



Čajniče

SIPA uhitila dvije osobe zbog ratnog zločina

SARAJEVO - Postupajući po naredbama Suda BiH i Tužiteljstva BiH, policijski službenici Državne agencije za istrage i zaštitu (SIPA) jučer su na području Čajniča slobode lišili dvije osobe zbog ratnog zločina, te izvršili pretrese objekata na četiri lokacije.

Slobode su lišene osobe inicijala S.J. (1944) i M.J. (1972) zbog postojanja osnova sumnje da su počinili krivično djelo iz člana 173. stav (1) KZ BiH "Ratni zločin protiv civilnog

stanovništva" nad žrtvama bošnjačke nacionalnosti na području općine Čajniče tokom 1992. godine, u vezi sa članom 180. KZ BiH "Individualna i zapovjedna odgovornost" i članom 29. KZ BiH "Suučesništvo". Osobe lišene slobode bit će privedene u službene prostorije SIPA-e, gdje će se nad njima izvršiti kriminalistička obrada, nakon čega će biti predate Tužilaštvu BiH na dalje postupanje, priopćeno je iz SIPA-e.